

Er estudiant

Premsa er aranés entà estudiants

Deseme 2008 • ESPECIAL HÈSTES

Numèro 1 • Suplement de LO Campus



Josep M. Trull / RIVARD

(Lectura entà esperdigalhadi)

ER ESTUDIANT: NAU ESTRUMENT ENTARA COMUNITAT

Editoriau 1

Aguestes pagines comencen ua petita aventura culturau sus toti es tèmes en educacion qu'agen repercussion enes ciutadans e ciutadanes d'Aran.

ER ESTUDIANT comença damb quatre pagines e progressivament agranirèm pagines e contenguts, en relacion directa ara implicacion dera nòstra comunitat educativa, dempús des escoles enquilar Institut, e dempús des estudis universitaris que corsen es nostri estudiants dehora d'Aran, enquia es servicis e es estruments qu'auem entà estudiar ena Val d'Aran, qu'apò volerà dider, autan es bibliotèques coma tota sòrta d'activitat ludica e formativa encara que non sigue un ensenhament reglat. E tanben evidentaments, incorporarem es opinions e eth suport des pairs e mairs que tutèlen era educacion des sòns hilhs.

ER ESTUDIANT acompanya a LO CAMPUS qu'ei aguest periodic universitari que publicam entàs Terres de Lhèida, e ei atau per un modèl de coma hèr jornalisme independent e plurau sense cap sòrta d'ipotèca: ne de pensament, ne politic, ne economic. Era associacion culturau e civica Vivència Aranesa a montat en Lhèida tota ua infraestructura e a dinamizat toti uns servicis jornalistic entà poder hèr ath madeish temps jornalisme educatiu en aranés, damb professionalitat e rigor.

Eth nòste ei un jornalisme comunitari pr'amor que cerque era implicacion constanta dera comunitat educativa, en tot dar jòc a qu'era madeisha s'i pogue exprimir e debàter es sòns tèmes.

Ei evident que coma editors auem ua linha editoriau e aguesta ei plan clara: rigor intellectuau, ensenhament de valors, debat dubèrt e plurau, e defensa d'Aran coma País, en especial ara sua lengua e eth sòn oostanisme.

Ua comunitat educativa ei un univèrs força complexe; qu'exigie auer diferents publicacions especializadas per cada nivèu d'ensenhament; demoram qu'un dia i ambaram, mès auè, realisticament, ER ESTUDIANT ei ua publicacion integrada a on i haram a càber toti es nivèus.

→ p.2

Toti es qu'em implicadi
ena Associacion culturau e
civica Vivència Aranesa, e toti es que
trabalhen e collabòren ena edicion
deth periodic universitari LO CAMPUS
e aguest Suplement ER ESTUDIANT,

**vos felicitam es hèstes
e vos desiram un
erós 2009.**

(Lectura entà guiterosi)

version RAPIDA 3.0

Editoriau 2

Et!!!

Començam ua naua aventura sus jornalisme educatiu en aranés.

ER ESTUDIANT un suplement de LO CAMPUS, eth periodic universitari des Terres de Lhèida, comença doça e acabarà en tot èster ua potentia publicacion de joeni.

Auem de besonh era colaboracion de toti pr'amor que volem totes es opinions e butar damb força. Ac diderem tot, ac publicarem e ac contrastarem tanben tot.

Tractarem cada mes, aquerò que mos preocupe enes escoles e en Institut d'Aran. Sense desbrembar d'auèr espacis d'educacion e cultura, e sustot de territòri joeni. L'IEG que non hè mau!!!.

- E ESCRIBI que sembraràs "un intelectual" e apò mòle.

erestudiant@locampus.cat

***Parles coma parles, sigues
coma sigues, çò de més important
ei que quauquarrés t'escote.***

En "la Caixa", més de 25.000 persones t'escoten, te comprenen e trabalhen apròp tòn entà aufrir-te era melhor solucion.

Parlam?



 "la Caixa"